



**Moderamen
GBKP**

Ibadah Keluarga

Senin, 11 Mei 2020



1) Rende KEE No. 320 ibabai Nande

- 1) Susah entah senang gia
ibas geluh enda
Amin kita bas perbeben
ernalem man baNa
Nggeluh bas Tuhan malem ateta
Si begiken pedahNa
Pindo gegeh ras pasu-pasuNa
Ib'rekenNa man banta

- 2) Aminna latih mesera gegeh ib'rekenNa
Tetap ernalem man baNa kidekah geluhta
Mejinkatlah ndahiken dahinNa
G'lah meriah ukurta
Sangap kalak si rembak ras la
Terpujilah gelarNa

2) Ertoto ibabai Anak

3) Ngoge Pustaka Si Badia Jeremia 2:26-28 ibabai Bapa

4) Ngoge Penaruh Guna Nuriken Pengejapen/Sharing ibabai Anak

Meteh Orat.

Adi sanga bas paksa ngenanami kiniseran, Bangsa Israel biasana minter ngadu man Tuhan. Tapi adi sanga bas situasi si senang ras menahang, megati Bangsa Israel lupa janah la erdiate nandangi Tuhan. Megati pe nulak Tuhan. Lagu langkah si bagenda rupana labo lagu langkah si patut ilakoken manusia man Tuhan, terlebih adi bangsa pilihanNa. Tuhan me si nepa langit ras doni. Tuhan me si tetap setia njayam geluhta. Tuhan me si mbebasken bangsa Israel ibas perbudaken i Mesir nari.



Emaka adi sanga lit perlunta ngenca maka kita reh ku Tuhan, e situhuna lagu langkah si la meteh orat. Tuhan iperseri ras ban serap. Tupung sikap perdalan motor jarang kal ia iinget. Tapi bage kenca lit ban bocor, mis ia idarami. Em adi ban serap. Tuhan pe meteh nge adi sijadikan la jadi ban serap. la labo tertokohi. La lit si terbuni ilebe-lebeNa. Tangkas kerina man baNa kai si terligen man manusia.

Bagi Tuhan meteh lagu langkah Bangsa Israel si megati reh ku la tupung bas paksa kiniseran ngenca, bage me pe tangkas man Tuhan adi sanga lit perlunta saja maka kita nembah ku la. Tupung sakit, tutus ertoto man Tuhan. Tupung sinuan-sinuan kena hama, rajin ngoge Pustaka. Tupung anak nandangi erjabu, tutus ku PJJ. Tupung enggo ndeher Natal, rajin ku Gereja. Labo lit dame bas pusuhta adi bagekin lagu langkahta. Emaka tetaplah kita ras Tuhan subuk bas paksa susah entah senang, gelah tetap dame sikerajagenta.

5) Nuriken Penggejapen/Sharing

sue ras topik renungen Moderator : Nande

6) Pertoton Syafaat

(pindo tiap isi jabu mereken usulen topik doa syafaat)

7) Pertoton Tuhan

+itutup alu ngendeken “Bujur o Tuhanku” (Bapa T’rimakasih)

Bujur o Tuhanku 2x
Terpujilah GelarNdu
Bujur o Tuhanku

